



Broj: 01/1-02-2080/17
Breza, 27.09.2017. godine

Z A P I S N I K

sa **DEVETE REDOVNE SJEDNICE Općinskog vijeća održane dana 30.08.2017. godine sa početkom u 16,30 sati u prostorijama Općine Breza-Sala Općinskog vijeća.**

Sjednicom je predsjedavao predsjedavajući Općinskog vijeća Jusić Vedad.

Po izvršenoj prozivci konstatovano je da sjednici Općinskog vijeća prisustvuje 19 vijećnika. Opravdano odsutan vijećnik Edin Avdić, a nenajavljeno odsutan Bajrić Fetah.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Meliha Beširević, Smajila Omerhodžić, Salih Hasanspahić, Huso Herco, direktor JP „Komunalno d.o.o.“ Enver Hadžiahmetović, član Odbora za provedbu Etičkog kodeksa, predstavnici političkih partija SDP i SDA, i predstavnici medija.

Predsjedavajući Općinskog vijeća Jusić Vedad upoznao je vijećnike da je održan sastanak predsjednika klubova parlamentarnih stranaka, te da je zapisnik o istom, kao i mišljenje Komisije za Statut i propise i Komisije za budžet i finansije dostavljeni u materijalima.

Zatim se pristupilo razmatranju i usvajanju Zapisnika sa osme redovne sjednice Općinskog vijeća Breza.

Primjedbi na Zapisnik nije bilo, te je nakon provedenog postupka glasanja konstatovano da je isti usvojen jednoglasno sa 19 glasova ZA, bez protiv i suzdržanih glasova.

Zatim se prešlo na vijećnička pitanja.

Komentara na odgovore po vijećničkim pitanjima nije bilo.

Potom se prešlo na postavljanje novih vijećničkih pitanja.

Vijećnik Arif Sirotanović u pismenoj formi pokrenuo je dvije inicijative o saradnji lokalne zajednice Općine Breza i Kumanova iz Makedonije kao i nastavak saradnje sa Kikindom.

Vijećnik Kadrić Memsud pokrenuo je inicijativu da se uredi autobuska stajališta na području Općine Breza u saradnji sa prevoznikom „Centrotrans“ Sarajevo.

- pokrenuo je i inicijativu da se započne realizacija projekta asfaltiranja puta u naselju Založje, te da se sredstva predvide u budžetu za narednu godinu, za ove namjene. Takođe je zatražio pojašnjenje o akciji uklanjanja pasa koja je provedena u Brezi, te da se započne sa primjenom usvojene Odluke o načinu i uslovima držanja životinja i kućnih ljubimaca, te da se izvidi mogućnost otvaranja prihvatilišta za životinje.

Vijećnik Suljagić Mirzet je postavio vijećničko pitanje :

- Kada će biti sanirano oštećenje zatvorenog potoka u blizini zanatskog centra kod taxi stajališta?

Zatim se pristupilo utvrđivanju dnevnog reda.

Predsjedavajući Općinskog vijeća upozna je vijećnike da su predlagači sa dnevnog reda povukli 10. i 12. tačku dnevnog reda iz razloga što se nisu stekli uslovi za donošenje istih.

Predsjednik OIK- Breza Safet Zahirović predlaže da se u dnevni red uvrsti tačka Finansijski plan Općinske izborne komisije Općine Breza za 2018. godinu.

(Radu vijeća se priključio vijećnik Bajrić Fetah u 16:50 h).

Predsjedavajući Općinskog vijeća dao je na glasanje prijedlog proširenja dnevnog reda sa tačkom davanje saglasnosti na Finansijski plan OIK općine Breza za 2018. godinu.

Nakon provedenog postupka glasanja konstatovano je da se dopuna dnevnog reda usvojena jednoglasno sa 19 glasova ZA, bez protiv i suzdržanih glasova.

Nakon toga jednoglasno sa 20 glasova ZA bez protiv i suzdržanih glasova usvojen je sljedeći dnevni red sa predloženom dopunom:

DNEVNI RED

1. Usmena informacija o radu Općinskog načelnika u periodu između dvije sjednice.
2. Razmatranje i usvajanje prijedloga Odluke o utvrđivanju javnog interesa za dalju eksploataciju uglja na površinskom kopu Koritnik k. č. br. 1076/39 zv. „Oranica Zalujevica“ u površini od 2202 m² (za potrebe RMU Breza).
3. Razmatranje i usvajanje prijedloga Odluke o izmjeni Odluke o pokretanju procesa strateškog planiranja-pristupanje izradi Strategije razvoja Općine Breza.
4. Razmatranje i usvajanje prijedloga Odluke o usklađivanju osnivačkog akta Javnog preduzeća Veterinarska stanica d.o.o. Breza.
5. Razmatranje i usvajanje prijedloga Odluke o utvrđivanju prostora za mirno okupljanje građana bez prijave.
6. Razmatranje i usvajanje prijedloga Izvještaja o izvršenju Budžeta Općine Breza za period 01.01.2017.-31.06.2017. godine.
7. Razmatranje i davanje saglasnosti na Finansijski plan Općinske izborne komisije Općine Breza za 2018. godinu.
8. Informacija o korisnicima poslovnih zgrada i prostorija kojima upravlja i raspolaže Općina Breza.
9. Analiza pokrenutih vijećničkih inicijativa u periodu 01.01.2017.- 30.06.2017. godine na sjednicama Općinskog vijeća.
10. Rješenje o razrješenju člana upravnog odbora Javne ustanove Centra za socijalni rad Breza.
11. Razmatranje i davanje saglasnosti na Izvještaj o ponovljenim aktivnostima izbora za članove Savjeta mjesnih zajednica Prhinje i Založje.

Ad.1

Usmena informacija o radu Općinskog načelnika u periodu između dvije sjednice

Općinski načelnik Zaimović Munib upoznao je vijećnike da su privedene kraju aktivnosti na donošenju prostorno planske dokumentacije, gdje su donesene izmjene i dopune Prostornog plana, koje će u daljoj proceduri biti dostavljen kantonalnom organu na davanje saglasnosti. Donošenje regulacioni planova takođe je u toku i pružiće mogućnosti za dalja ulaganja i razvoj infrastrukture. U toku je procedura za imenovanje stručnog tima o pokretanju procesa strateškog planiranja-pristupanje izradi Strategije razvoja Općine Breza, u čiji proces će se imenovanovati stručnalica iz različiih oblasti a biće uključeni i vijećnici Općinskog vijeća. U toku su radovi na rekonstrukciji regionalnog puta R- 444 u naselju Mahala u dužini

od 800 m čija vrijednost iznosi 279.156 KM. U planu je i nastavak i projekta asfaltiranja lokalnog puta Liješće. U toku je postupak nabavke kamiona za odvoz komunalnog otpada za potrebe JKP Breza. Određeni dio srestava predviđen Programom u održavanja javnih cestu u 2017. godini utrošen je za sanaciju puta prema naselju Koritnik –Opreć - Slivno. Procjena je da će se u infrastrukturne projekte uložiti oko milion konvertibilnih maraka. Također upoznaje vijećnike da je sa certificiranom firmom iz Sarajeva potpisan ugovor o uklanjanju pasa lutalica na području općine Breza. Trenutno općina Breza nije u finansijskoj mogućnosti za otvaranje azila za životinje.

Vijećnik Buljetović Čamil postavio je pitanja koja se odnose na tok i realizaciju projekta vodosnabjevanja u naselju Bukovik i Slivno. Šta je razlog zastoja u realizaciji i u kojoj je fazi realizacija istog, kakva je finansijska situacija, te da li se radi o nedostatku srestava ili su u pitanju istrage koje se vodi o toku i načinu realizacije projekta od strane izvođača. Zatražio je odgovor koliko je tužbi ili sudskih postupaka bivši načelnik Općine podnio protiv općine Breza

Općinski načelnik je u odgovoru naveo da je:

- Realizacija projekta vodosnadbijevanja Bukovik, Slivno prekinut iz razloga što su se u implementaciji projekta pojavili određeni problemi. Općinska služba pozvala je izvođača radova da u roku otkloni uočene nedostatke. Kako u određenom roku izvođač nije otklonio navedene nedostatke došlo je do raskida ugovora a samim tim trebalo je napraviti i presjek stanja i raspisati novi tender za nastavak radova, te je izvođač pokrenuo postupak za naknadu štete .
- U realizaciji projekta asfaltiranje puta „Liješće“ u Mahali takođe je došlo do raskida ugovora sa izvođačem i provođenja zakonska procedura koja slijedi u ovakvim slučajevima.
- Realizacija projekta „Dadijevac“ je nastavljena te se vode pripreme za provođenje tehničkog prijema objekta.
- Kod nadležnog suda vodi se i postupak za ostvarivanje naknade tzv. „bijeli hljeb“.

Pomoćnik Općinskog načelnika za privredu, Salih Hasanspahić istakao je da je vodovod Bukovik i Slivno započet 2013. godine i imamo zaključene okvirne sporazume i implementirane su po dvije faze projekata. Detaljno je upoznao vijećnike o toku i realizaciji implementaciji započetih projekata vodosnadbijevanja Slivno i Bukovik i vodovoda „Dadijevac“, kao i trenutnoj finansijskoj situaciji, kao i realizaciji ostalih infrastrukturnih projekata na području Općine Breza.

Općinski pravobranilac Telalović Dženana potvrdila je da se kod nadležnog suda pokrenut postupak od strane izvođača u realizaciji projekata asfaltiranja puta Liješće za naknadu štete a takođe i kod projekta vodosnadbijevanja Bukovik i Slivno, a pokrenut je postupak i za ostvarivanja prava na tzv „bijeli hljeb“.

Općinski načelnik pojasnio je da je pokretanje postupka za naknadu štete uobičajna procedura i da Općina Breza u postupku ima sve pravne pretpostavke za dobijanje postupka obzirom da podnesene tužbe nemaju osnova.

Vijećnik Kadrić Memsud podsjetio je vijećnike da je bivši načelnik prije nepunu godinu dana za ovom govornicom iznio podatak da je vodovod Bukovik, Slivno gotovo završen i da je ostalo da se ugrade pompe te da se otkone manji nedostaci i da će isti brzo biti puštan u rad, -Postavio je pitanje kako je došlo do zapaljenja kamiona JKP Breza.

Općinski načelnik istakao je da je ozbiljno prihvatio posao načelnika, te da se u svom radu pridržava zakonskih propisa uz podršku Općinskog vijeća kao predstavničkog organa. Svjestan je da je kod realizacije projekta Bukovik Slivno bilo raznih špekulacija počev od samog projekta koje se protežu od samih izbora. Smatra i nastoji u svom radu kod realizacije projekata da sve bude javno i transparentno uz podršku medija.

Direktor JKP Breza Enver Hadžiahmetović upoznao je vijećnike da je došlo do samo zapaljenja kamiona od sunca, te da je policijska uprava izvršila uvid i sačinila Zapisnik o uviđaju.

Vijećnik Bašić Mirnes postavio je pitanje vezano za rokove izgradnje vodovoda Dadijevac, te kada će doći do završetka sanacije udarnih rupa na lokalnom putu Breza, Slivno.

Vijećnik Fetah Bajrić postavio je više pitanja koja se odnose na realizaciju i finansiranje infrastrukturnih projekata, te koji projekti se planiraju završiti u 2017. godini, u kojoj fazi je donošenje revizorskog izvještaja, te kada će se provesti novi Pravilnik o sistemaizaciji radnih mjesta u u jedinstvenom Općinskom organu.

Općinski načelnik istakao je da je dolaskom na čelo općine Breza pokrenuo više postupaka protiv odgovornih lica, te da je postupak u toku. Započeto je više infrastrukturnih projekata u vrijednosti oko milion i petsto konvertibilnih maraka, te da je oko četrsto hiljada maraka finansirano sa viših nivoa vlasti. Kada je u pitanju Revizorski izvještaj dostavljen je Nacrt izvještaja, a konačna verzija će biti dostavljena po završetku procedure.

Na zahtjev vijećnika uslijedila je pauza od 17:45 min. do 18:10 min.

Ad.2

Razmatranje i usvajanje prijedloga Odluke o utvrđivanju javnog interesa za dalju eksploataciju uglja na površinskom kopu Koritnik k. č. br. 1076/39 zv. „Oranica Zalujevica“ u površini od 2202 m² (za potrebe RMU Breza).

Pomoćnik općinskog načelnika za prostorno uređenje, zaštitu okolice, geodetske i imovinsko pravne poslove Smajila Omerhodžić dala je pravni osnov kao i razloge za donošenje odluke.

Učesnika u raspravi nije bilo te je nakon provedenog postupka glasanja konstatovano je da je predložena Odluka o utvrđivanju javnog interesa za dalju eksploataciju uglja na površinskom kopu Koritnik k. č. br. 1076/39 zv. „Oranica Zalujevica“ u površini od 2202 m², usvojena jednoglasno za 20 glasova ZA, bez protiv i suzdržanih glasova.

Ad. 3

Razmatranje i usvajanje prijedloga Odluke o izmjeni Odluke o pokretanju procesa strateškog planiranja-pristupanje izradi Strategije razvoja Općine Breza.

Pomoćnik općinskog načelnika Salih Hasanspahić pojasio je da je na osnovu dostavljenih primjedbi i instrukcija u vezi izrade strateško-planskih dokumenata u okviru projekta integrisanog razvoja dostavljen od strane UNDP BiH putem elektronske pošte, pristupilo se izmjenama predmetne odluke u djelu koji se odnosi na period koji je obuhvaćen strateško-planskim dokumentima i utvrđuje se period od 2018. do 2027. godine kako je predviđeno u odluci. Formiran je radni tim od 17 članova iz svih oblasti, a određen je i monitoring tim od 4 člana.

Učesnika u raspravi više nije bilo, te je nakon provedenog postupka glasanja konstatovano da je Odluka o izmjeni Odluke o pokretanju procesa strateškog planiranja-pristupanje izradi Strategije razvoja Općine Breza usvojena sa 20 glasova ZA, bez protiv i suzdržanih glasova

Ad. 4.

Razmatranje i usvajanje prijedloga Odluke o usklađivanju osnivačkog akta Javnog preduzeća Veterinarska stanica d.o.o. Breza.

Pomoćnik općinskog načelnika Salih Hasanspahić pojasnio, da je Odluka o usklađivanju sa Zakonom o javnim preduzećima u Federaciji Bosne i Hercegovine JP

Veterinarska stanica d.o.o. Breza donesena 2006. godine, a da su u međuvremenu stupile na snagu izmjene i dopune Zakona o javnim preduzećima u Federaciji Bosne i Hercegovine, kao i da je na snagu stupio novi Zakon o privrednim društvima u Federaciji Bosne i Hercegovine i Klasifikacija djelatnosti BiH iz 2010. godine (KDBiH 2010) i Pravilnik o uvjetima za osnivanje i obavljanje veterinarske djelatnosti i načinu dodjele područja djelovanja (*Službene novine Federacije Bosne i Hercegovine broj 5/16*), te se ukazala potreba da osnivač – Općinsko vijeće Općine Breza, donese Odluku kojom se usklađuje osnivački akt JP Veterinarska stanica d.o.o. Breza sa gore navedenim zakonskim propisima, kako bi se uskladili podaci od značaja za pravni promet Javnog preduzeća u zemlji i inostranstvu, te u skladu s tim stvorile pretpostavke da organi upravljanja Javnog preduzeća pokrenu mjere i aktivnosti s ciljem usklađivanja djelatnosti sa Klasifikacijom djelatnosti BiH iz 2010. godine, izrade harmoniziranih općih akata, Statuta i drugih općih akata Javnog preduzeća kojima se uređuje organizacija, funkcionisanje i obavljanje djelatnosti iz nadležnosti Javnog preduzeća. Shodno navedenom, predlagatelj cijeni potpuno opravdanim i osnovanim zahtjev za donošenje ove Odluke.

Vijećnik Sirotanović Arif postavio je pitanje da li kod imenovanja direktora veterinarske stanice osim doktora veterine može biti i lice sa drugim zvanjem. Dao je i primjedbu u članu 16.2., u kojem se kaže da direktor „odlučuje o zapošljavanju i prestanku radnog odnosa radnika“ da se u nastavku dopiše u „skladu sa pozitivnim zakonskim propisima.

Pomoćnik općinskog načelnika za privredu Salih Hasanspahić pojasnio je da su kriteriji i uslovima za imenovanje direktora, kao i nadležnosti, direktora javnog preduzeća u skladu sa Zakonom o veterinarstvu.

Vijećnik Kadrić Memsud postavio je pitanje da li je došlo do formiranja novog javnog preduzeća ili je došlo do usklađivanja postojećih akata Veterinarske stanice d.o.o. Breza. Također je istakao da je osnovna djelatnost javnog preduzeća djelokrug rada jako mali i uzak u odnosu na djelatnosti privatnih veterinarskih stanica te predlaže da se taj djelokrug proširi.

Pomoćnik općinskog načelnika pojasnio je da je ovo usklađivanje postojećih akata sa Zakonom o javnim preduzećima u Federaciji Bosne i Hercegovine. Kada je u pitanju osnovna djelatnost javnog preduzeća i djelokrug rada pojasnio je da je isti urađen na osnovu Zakona.

Vijećnica Amina Jekalović u ime kluba vijećnika DF i SDP predlaže amandman na predloženu odluku:

- Da se član 5. tačka 2. Odluke o usklađivanju osnivačkog akta javnog preduzeća Veterinarska stanica d.o.o. Breza, dopuni „ iznos osnovnog kapitala društva, iznos uloga u novcu, opis i vrijednosti uloga u stvarima i pravima.

- U članu 9., stav 7, tačka a, termin „izvještaj o poslovanju“ zamijeni sa terminom „godišnji obračun“.

- U članu 12., kod usvajanja godišnjeg obračuna iz odredbe člana 12., nadležnosti Nadzornog odbora, usvajanje godišnjeg obračuna prebaci u član 10., nadležnosti skupštine.

Predsjedavajući Općinskog vijeća podsjetio je vijećnike na zakonsku proceduru prilikom donošenja amandmana, te predlaže pauzu radi usaglašavanja i donošenja zajedničkog prijedloga amandmana i stava predsjednika klubova.

(Uslijedila je pauza od 18.40 min. do 19.00 min.)

Nakon pauze predsjedavajući Općinskog vijeća na osnovu dogovora predsjednika klubova parlamentarnih stranaka usaglasila prijedlog amandmana koji je predložila vijećnica Jekalović Amina:

- Učlanu 9., stav 7., tačka a, termin " izvještaj o poslovanju" zamijeni sa terminom „godišnji obračun.“
- U članu 12., kod usvajanja godišnjeg obračuna iz odredbe člana 12., nadležnosti Nadzornog odbora, usvajanje godišnjeg obračuna prebaci u član 10., nadležnosti skupštine.

Nakon provedenog postupka glasanja konstatovano je da je predloženi amandman usvojen sa 15 glasova ZA i 5 suzdržanih.

Nakon toga glasalo se za amandman koji je predložio vijećnik Sirotanović Arif da se u članu 16. tačka 2., u kojem se kaže da direktor „odlučuje o zapošljavanju i prestanku radnog odnosa radnika“ u nastavku upiše „ u skladu sa pozitivnim zakonskim propisim“.

Nakon glasanja predloženi amandman usvojen je sa 15 glasova ZA i 5 suzdržanih glasova , protiv nije bilo.

Na osnovu dogovora predsjednika klubova predsjedavajući Općinskog vijeća predložio je sljedeći:

ZAKLJUČAK

I

Da se član 5. tačka 2. Odluke o usklađivanju osnivačkog akta javnog preduzeća Veterinarska stanica d.o.o. Breza, dopuni „ iznos osnovnog kapitala društva, iznos uloga u novcu, opis i vrijednost uloga u stvarima i pravima.

II

Za realizaciju zaključka zadužuje se Služba za privredu i Stručna služba Općinskog vijeća.

Nakon glasanja konstatovano je da je predloženi Zaključak usvojen je sa 15 glasova ZA, i 5 suzdržanih glasova, protiv nije bilo.

Zatim se pristupilo glasanju za predloženu odluku sa datim amandmanima.

Nakon provedenog postupka glasanja konstatovano je da je Odluka o usklađivanju osnivačkog akta Javnog preduzeća Veterinarska stanica d.o.o. Breza, usvojena sa 15 glasova ZA i 5 suzdržanih glasova, protiv nije bilo.

Ad. 5

Razmatranje i usvajanje prijedloga Odluke o utvrđivanju prostora za mirno okupljanje građana bez prijave.

Pomoćnik Općinskog načelnika Smajila Omerhodžić pojasnila je da vijeće u okviru svojih nadležnosti donosi odluke o upravljanju i raspolaganju imovinom lokalne samouprave u skladu sa zakonom, te da Općinsko vijeće donosi Odluku o određivanju prostora za mirno okupljanje bez prijave.

Odluka je sadržana u odredbama Zakona o javnom okupljanju, kojim je između ostalog propisano da građani imaju pravo na mirno okupljanje bez prijave nadležnoj policijskoj stanici, ali samo u prostoru kojeg odredi svojom odlukom Općinsko vijeće.

U skladu sa odredbama navedenog zakona, određena je lokacija „plato pijaca“ kao prostor za mirno okupljanje bez prijave.

Iz naprijed navedenih razloga, Općinskom vijeću Breza, predlaže se donošenje ove Odluke.

Vijećnik Bajrić Fetah postavio je pitanje koliko predložena lokacija odgovara sa aspekta sigurnosti, mišljenja je da se na istoj lokaciji ne može obezbijediti sigurnost, te predlaže lokaciju ispred zgrade Općine.

Pomoćnik Općinskog načelnika Smajila Omerhodžić je pojasnila da je to prijedlog službe te da vijeće može predložiti i drugu lokaciju.

Vijećnik Kadrić Memsud predlaže da se lokacija promijeni iz moralnih razloga obzirom da se nalazi u ulici Žrtava genocida u Srebrenici.

Vijećnik Sokić Dževahid slaže se sa mišljenjem vijećnika Bajrić Fetaha, te da mirno okupljanje bez najave može prerasti u agresivnost.

Predsjedavajući Općinskog vijeća daje na glasanje prijedlog vijećnika Bajrić Fetaha da lokacija za mirno okupljanje građana bez najave bude ispred zgrade Općine.

Nakon provedenog postupka glasanja konstatovano je da prijedlog nije dobio potrebnu većinu(5 vijećnika je glasalo za prijedlog).

Zatim se glasalo za prijedlog Odluke da lokacija za mirno okupljanje bez najave bude na lokaciji „plato pijaca“ u ulici Žrtava genocida u Srebrenici, te nakon provedenog postupka glasanja konstatovano da je prijedlog usvojen sa 12 glasova ZA.

Ad. 6

Razmatranje i usvajanje prijedloga Izvještaja o izvršenju Budžeta Općine Breza za period 01.01.2017. - 31.06.2017. godine.

Pomoćnik Općinskog načelnika Meliha Beširević dala je uvodne napomene po pitanju izvršenja Budžeta te je naglasila da je općinski Budžet za 2017. godinu usvojen na sjednici Općinskog vijeća održanoj 29.03.2017. godine u iznosu 4.600.000 KM. Ukupan prihod Budžeta u periodu 01.01.2017. godine do 30.06.2017. godine ostvaren je u iznosu od 2.360.000 KM što je 51,32 % planiranih prihoda za 2017.godinu. Rashodi Budžeta za isti period iznose 1.792.361,64 KM što je 39,83 % plana za 2017.godinu. Procenat izvršenja Budžeta Općine Breza za 6 mjeseci 2017. godine je 131,72 %, što znači da je ostvaren budžetski suficit od 31,72% ili 568.527,84 KM. Neizmirene obaveze na dan 30.06.2017.godine iznose 1.762.4069,97 KM.

Vijećnik Kadrić Memsud postavio je pitanje šta se očekuje u narednom periodu od 4 do 6 mjeseci po pitanju izvršenja Budžeta.

Pomoćnik Meliha Beširević pojasnila da se u narednom periodu očekuje konsolidacija i uravnoteženje budžeta.

Predsjedavajući Općinskog vijeća zatražio je pojašnjenje pojma „suficit“, te kako je isti stvoren kada imamo neizmirenih obaveza.

Pomoćnik općinskog načelnika Meliha Beširević pojasnila da do suficita dolazi kada je prihod veći od rashoda. Istakla je da je do sada za neizmirene obaveze uplaćeno oko 400.000 KM:

Vijećnik Buljetović Čamil u ime kluba DF i SDP istakao je da je Budžetom Općine Breza za sport predviđeno oko 115.000 KM. U proteklom periodu uočeno je da sportski klubovi ili ne rade ili nisu finansirani kako je planirano , te da se u narednom periodu ili ugase ili promjene. Teško je povjerovati da će predviđeni iznos sredstava u Budžetu za 2017. godinu izvršiti obzirom da je za 6 mjeseci 2017. godine izvršen manji dio. Međutim vidljivo je iz izvještaja da su pojedine stavke premašile planirani iznos. Zbog ovakvog stanja finansiranja sporta stranke DF i SDP neće podržati izvještaj o izvršenju Budžeta općine Breza za navedeni period.

Vijećnik Fetah Bajrić podržava i slaže se sa mišljenjem datog od starne Komisije za Budžet i finansije. Značajno prekoračenje troškova vidljivo je na kontu za plaće i naknade troškova zaposlenih, gdje je za ovu stavku potrošeno 150.756,64 KM i ukoliko se nastavi sa ovim trendom do kraja godine prekoračenje bi moglo biti oko 250.000 KM. Podržava preporuke komisije. Također je uočeno da nisu isplaćene subvencije javnim preduzećima i poljoprivredni posticaj te su iste izvršene u manjem iznosu. Predlaže da se u daljem izvršenju ove stavke uravnoteže kako je planirano.

Vijećnika Kadrić Memsuda interesovalo zašto je stavka grantovi sa viših nivoa vlasti realizovana samo 20 % od planiranog, te da li je uzrok nedostatka projekta ili nedostatak lobiranja većeg nivoa vlasti.

Općinski načelnik je istakao da ga iznenađuje izjava vijećnika Buljetovića obzirom da su u saradnji nastojali iznaći mogućnosti u prevazilaženju finansijskog stanja N.K. Rudar kao i poboljšanju uslova za sportste aktivnosti. Ističe da je to široka oblast za koju treba uložiti više napora da bi se oblast sporta uredila. Neka sportska udruženja trebaju opravdati data finansijska sredstva da bi se finansiranje i dalje nastavilo. Očekuje da će se finansiranje sporta u narednom periodu nastaviti kako je predviđeno u Budžetu za 2017. godinu.

- Smatra da će se i druge predviđene budžetske stavke u narednom periodu izvršiti.
- U fazi je donošenje plana za sanaciju nastalog duga.
- Usvajanjem predviđenih planskih dokumenata pruža se mogućnost za nova ulaganja i puštanje u funkciju i drugih resursa.

Vijećnik Čamil Buljetović istakao da je njegov stav po pitanju sporta jasan od samog početka. Prikazani suficit bi i prihvatio, da je za sport realizovano 50% predviđenih sredstava u Budžetu za prvih 6 mjeseci 2017., te da su i ostale stavke realizovane kako je predviđeno, ali suficit je ostvaren na uštrb rada pojedinih udruženja i drugih planiranih stavki.

Općinski načelnik istakao je da su vođene mnoge aktivnosti kako bi se NK Rudar doveo u normalno finansijsko stanje. Kada su u pitanju troškovi reprezentacije predlaže da se analitički i sintetički analizira svaka stavka.

Pomoćnik općinskog načelnika Meliha Beširević pojasnila, da kod izvršenja budžeta postoje prioriteti za isplatu. U proteklom periodu, izvršena je isplata duga za kapitalne investicije u iznosu od 452.000 KM. Finansiranje sporta se smatra grantom-poklonom, u dosadašnjem periodu finansijski nije odbijen ni jedan zahtjev za finansiranje sportskih dešavanja podnešen od strane sportskih klubova.

Vijećnik Amina Jekalović u ime kluba SDP podržava prihodovnu stranu Izvještaja o izvršenju Budžeta, ali je uputila kritiku na raspodjelu Budžetskih sredstava jer je ista ne ravnomjerna tako da su pojedine stavke premašile predviđeni iznos, a neke su finansirane u minimalnom iznosu.

Vijećnik Kadrić Memsud zatražio je pojašnjenje po pitanju isplate zaostalih potraživanja.

Predsjednik kluba SDA Mirza Ahmedspahić predlaže pauzu radi donošenja zajedničkog stava u vezi Izvještaja o izvršavanju Budžeta Općine Breza od 01.01.2017. do 30.06.2017.godine.

(Uslijedila je pauza 19:50. do 20:10.)

Nakon pauze Predsjedavajući Općinskog vijeća predložio je zaključak usaglašen od predsjednika klubova Parlamentarnih stranaka.

ZAKLJUČAK

I

Da se definiše rok u kojem bi Služba za finansije, inspekcije poslove i opću upravu kontaktirala pravna i fizička lica kojima nisu izmirene dospelje obaveze, da se dogovori dinamika otplate dugovanja u skladu sa mogućnosti Općine, čime bi se izbjeglo plaćanje eventualnih sudskih troškova i zateznih kamata. Da Služba za finansije, inspekcije poslove i opću upravu u razumnom roku dostavi plan pokrića deficita uz odobrenje načelnika Općine Breza i saglasnosti Općinskog vijeća. Praćenje izvršenja plana raditi na mjesečnom nivou.

9

II

Da se u najkaćem roku saćini plan mjera kojim bi se zadržali iznosi bruto plata u budžetskim okvirima odnosno što prije provesti planirane mjere zbrinjavanja viška radnika da ne bi ove stavke budžeta prouzrokovale neravnotežu budžeta.

III

Za stavke budžeta koje su već premašile planirane okvire(a po svom iznosu su materijalno znaćajne) potrebno je uraditi detaljnu analizu i procjenu opravdanosti utroška.

IV

Obzirom da je kraj III kvartala osnova za izradu budžeta za narednu godinu , ukoliko nema drugog načina, krajem mjeseca oktobra 2017, godine uraditi rebalans budžeta za 2017.godinu da bi se u novu godinu ušlo sa što je moguće realnijim planiranjem.

V

Za realizaciju zaključka zadužuje se Služba za finansije, inspekcije poslove i opću i Općinski načelnik.

Nakon provedenog postupka glasanja konstatovano je da je predloženi Zaključak usvojen sa 15 glasova ZA i 5 suzdržanih, bez galova protiv.

Zatim je na glasanje dat sljedeći:

ZAKLJUČAK

I

USVAJA SE Izvještaj o izvršenju Budžeta Općine Breza za period 01.01.2017 do 30.06.2017.godine.

II

Zaključak objaviti u „Službenom glasniku Općine Breza“.

Nakon provedenog postupka glasanja konstatovano je da je zaključak o usvajanju Izvještaja o izvršenju Budžeta Općine Breza za period 01.01.2017.-31.06.2017. godine usvojen sa 18 glasova ZA, 2 suzdržana glasa, bez glasova protiv.

(Sjednicu vijeća uz dopuštenje predsjedavajućeg napustio vijećnik Anes Zaimović u 20:15 min).

Ad. 7

Razmatranje i davanje saglasnosti na finasijski plan Općinske izborne komisije Breza za 2018. godinu.

Predsjednik opće izborne komisije Safet Zahirović pojasnio je vijećnicima da je za adekvatnu blagovremenu pripremu Općih izbora koji će se održati 2018.godine potrebno u Budžetu Općine Breza planirati novčana sredstva u iznosu od 23.648,00 KM. Na osnovu iskazanih potreba za provođenje izbora potrebno je da Općinsko vijeće da saglasnost na ovaj Finasijski plan kako bi Općinski načelnik prilikom izrade Budžeta Općine Breza za 2018.godinu mogao planirati budžetsku stavku u navedenom iznosu.

Vijećnik Kadrić Memsud postavio je pitanje kakva oprema se planira nabaviti.

Predsjednik komisije Safet Zahirović pojasnio je da se radi o opremi koja je neophodna za provođenje izbora.

Učesnika u raspravi više nije bilo te je finasijski plan Općinske izborne komisije Breza za 2018. godinu usvojen jednoglasno sa 19 glasova ZA, bez protiv i suzdržanih glasova.

Ad. 8

Informacija o korisnicima poslovnih zgrada i prostorija kojima upravlja i raspolaže Općina Breza.

Vijećnik Suljagić Mirzet postavio je pitanje da li će se ugovori sa dosadašnjim korisnicima obnoviti.

Pomoćnik Smajila Omerhodžić pojasnila je da će doći do zaključenja do novih ugovora sa korisnicima poslovnih zgrada i prostorija. Učesnika u raspravi više nije bilo, te se prešlo na razmatranje sljedeće tačke dnevnog reda.

Ad 9.

Analiza pokrenutih vijećničkih incijativa u periodu 01.01.2017.- 30.06.2017. godine na sjednicama Općinskog vijeća.

Ispred stručne službe Općinskog vijeća Safet Zahirović pojasnio je da je sačinjen pregled pokrenutih vijećničkih incijativa na sjednicama u periodu 01.01.2017.- 30.06.2017. godine na sjednicama Općinskog vijeća.

Vijećnik Buljetović Čamil izrazio zahvalnost Građevinske firme "Velegradnja" koja je izvršila sanaciju puta kod semafora u Brezi u vrijednosti 1.600,00 KM. Također je istakao da pojedine pokrenute incijative iako se radilo o manjim novčanim iznosima nisu realizovane. Predlaže vijećnicima da insistiraju na izvršenju pokrenutih vijećničkih incijativa.

Predsjedavajući Općinskog vijeća predlaže da sve pokrenute vijećničke incijative razmatraju na kolegiju Općinskog vijeća te da se o istim zauzme stav.

Općinski načelnik pjasnio je da je više puta insistirao na sanaciji rasvjete na Trgu rudara u Brezir, ali sanacija u ovom momentu nije moguća iz tehničkih razloga. Slaže se sa prijedlogom predsjedavajući Općinskog vijeća da se incijative razmatraju na kolegiju Općinskog vijeća.

Vijećnik Sirotanović Arif predlaže da se prostor U.G. ORB-Sretno iskoristi, te da bude na raspolaganju svima kojima je potrebno.

Predsjedavajući Općinskog vijeća daje na glasanje sljedeći:

11
ZAKLJUČAK

I

Da se vijećničke inicijative pokrenute od strane vijećnika na sjednicama Općinskog vijeća razmatraju na narednom sastanku kolegija Općinskog vijeća te da kolegij zauzme stav po istim.

II

Za realizaciju zaključka zadužuje se predsjedavajući Općinskog vijeća i Stručna služba.

Predloženi zaključak je usvojen jednoglasno sa 19 glasova ZA, bez protiv i suzdržani glasova.

Ad 10.

Rješenje o razrješenju člana upravnog odbora Javne ustanove Centra za socijalni rad Breza.

Vijećnik Bajrić Fetah postavio je pitanje šta je razlog podnošenja ostavke od strane Opaćin Zahide.

Općinski načelnik istakao je da svako ima pravo da podnese ostavku.

Nakon provedenog postupka glasanja konstatovano je da razrješenje člana upravnog odbora Javne ustanove Centra za socijalni rad Breza usvojen sa 17 glasova ZA i 2 suzdržana glasa.

Ad 11.

Razmatranje i davanje saglasnosti na Izvještaj o ponovljenim aktivnostima izbora za članove Savjeta mjesnih zajednica Prhinje i Založje.

Predsjednik komisije za provođenje izbora Safet Zahirović pojasnio je da na sjednici Općinskog vijeća održanoj 26.07.2017.godine usvojen Zaključak da se u naseljenim mjestima Založje i Prhinje ponovi izborni proces. Dana 27.08.2017.godine ponovljeni su izbori za organe mjesne zajednice Prhinje, te je izvršen izbor za savjet mjesne zajednice Prhinje.

Za naseljeno mjesto Založje ustanovljeno je da se na biračkom spisku nalazi 486 birača, te je ustanovljeno da se na Kandidacionom zboru nalazi jedna desetina mještana naseljenog mjesta Založje. Većina prisutnih na kandidacionom skupu predlagala i zahtjevala da se izborni rezultati ostvareni 01.07.2017.godine na održanim Izborima za članove savjeta mjesnih zajednica potvrde, te da izabrani predstavnici koji su tada izabrani budu verifikovani, ne želeći da ponovo predlažu nove kandidate i formiraju novu kandidacionu listu, dok je 7 mještana izjasnilo se da želi da se ponovo izvrši predlaganje kandidata i sačini nova kandidaciona lista za ponovljene izbore.

Vijećnik Suljagić Mirzet postavio je pitanje kakav je status naselja Podžupća, na šta je pojašnjeno da Općinski načelnik ima pravo postaviti povjerenstvo.

Učesnika u raspravi više nije bilo, te je nakon glasanja konstatovano da je Izvještaj o ponovljenim aktivnostima izbora za članove Savjeta mjesnih zajednica Prhinje i Založje usvojen sa 16 glasova ZA i 1 glasom protiv i 2 suzdržana glasa.

Nakon toga Općinski načelnik i predsjednici klubova parlamentarnih stranaka uputili su čestitke za predstojeći „Kurban-bajram.“

Ovim je iscrpljen dnevni red devete redovne sjednice Općinskog vijeća Breza, koja je sa radom završila u 20.50 minuta.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović

PREDSJEDAVAJUĆI
Općinskog vijeća
Jusić Vedad